

類

焦

類雋卷第八

勾吳虞舟鄭若庸纂輯

山東按察司副使古虞百樓鍾穀

校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩校正

太學生汪珙校梓

天族類

天子

**天號**

刑德考云帝者天號也王者人稱也天子

爵稱也

**天祐**

春秋繁露云德佩天地者稱皇帝

天祐而子之

**繼天**

易緯云天子者繼治物改政

一統各得其宜

**太一**

淮南子云帝者體太一牢

籠天地彈壓山川含吐陰陽申洩四時王者法

陰陽承天地之和形萬類之體霸者則四時春

生夏長秋收冬藏取舍有節出入有時君者用

六律生之與殺也賞之與罰也予之與奪也

**所**

**適**

呂氏春秋云帝者天下之所適王者天下之

所往也

**大君**

易云大君有命開國承家

**元后**

書

云亶聰明作元后又云衆非元后何載

**出宸**

易

云帝出乎震齊乎巽

**當**

禮記云天子當宸而

立諸侯北面而見天子曰覲天子當宁而立諸

公東面諸侯西面曰朝

**垂拱**

書云垂拱而天下

治

**體天**

黃石公云帝者體天則地有言有令而

天下平

**建極**

尚書云建用皇極孔安國注皇大

也極中也凡立事當用大中之道

**原面**

易云聖

人南面而聽天下向明而治

**正氣**

春秋孔演圖

云正氣爲帝問氣爲臣秀氣爲人

**明**

管子云

明一者皇察道者帝通德者王謀得兵勝者霸

**群物**

韓詩外傳云君者群也敢群天下萬物而

除其害謂之君

**乘輿**

蔡邕獨斷云上者尊位所

在也司馬遷記事當言帝則但言上不敢泄瀆  
者尊尊之義也乘輿出於律文曰盜乘輿服御  
物謂天子所服食者也天子至尊不敢泄言故  
託於乘輿也天子以天下爲家不以京師宮室  
爲常處當乘輿以天下故謂之車駕天子自謂

行在所今

在

京師言行在所也巡狩天下所在

奏事處皆為宮在長安則曰長安宮在太山則

曰太山宮唯當時所在

**聖德**

月令云立春之日

盛德在木其帝太皞夏日盛德在火其帝炎帝

其夏盛德在土其帝黃帝秋日盛德在金其帝

少昊冬日盛德在水其帝顓頊

**生養**

呂氏春秋

云始之生者天也養成之者人也能養天之所

生而為天子

**根核**

禮斗威儀云帝者得其根核

王者得其英華霸者得其附枝

**大在**

董子云王

者必法天以大仁覆育萬物既化而生之又養而成之**功德**白虎通云帝王號也號者功之者表也所以表功明德號令臣下者也德合天地者稱帝仁義合德稱王別優劣也**化德**帝王世紀云孔子稱天子之德感天地洞八方是以化合神者稱皇德合天地者稱帝仁義名者稱王**垂衣**孫卿云人主者守至約而詳事至狹而功垂衣裳不下簞席之上而海內之民莫不願得以爲帝王**魚米**尸子云孔子曰商汝知君之爲

君乎子夏曰魚失水則死水失魚猶爲水也孔  
子曰商知之矣**刑德**韓子云明至制其臣下者  
二柄而已矣二者刑德也殺戮之謂刑廢賞之  
謂德**勢安**韓子云堯舜生而在上位雖有十桀  
而不能亂者則勢安也桀紂亦生而在上位雖  
有十堯舜而不能化之則勢亂也**展義**左傳云  
天子非展義不巡狩**五勝**漢書云秦兼天下未  
遑服也亦頗推五勝五行相勝秦以周爲火水  
以勝之**三正**河圖云天開于子地闔于丑人生



于寅夏以寅爲人正商以丑爲地正周以子爲  
天正**鑿頭**淮南子云古有鑿頭而卷領以王天  
下注鑿頭著兜帽言未制冠卷領披衣屈而袂  
之**結繩**易云上古結繩而治又莊子云昔者容  
成氏大庭氏栢皇氏中央氏當是時結繩而用  
之以政**管屈**禮記云昔者先王冬則居營屈夏  
則居橧巢**秦閭**職林云伏羲氏以木王五行以  
生爲序神農以火黃帝以土少昊以金顓帝以  
水帝嚳以木堯火舜土夏金湯水周以木漢以

火漢律曆志秦以水德在周漢木火之間師古  
注古秦爲閏位不當五德之序漢火傳魏王晉  
金也**溫洛**易乾鑿度云帝盛德之應洛水先溫  
九日乃寒**窮六**梁書云漢皇建武至建安二十  
五年一百六十九歲而禪魏魏自黃初至咸熙  
二年四十六年而禪晉晉自太始至元熙二年  
一百五十六年而禪宋宋自永初元年至昇明  
三年凡六十歲咸以六終六受六亢位也三代  
揖遜咸窮於六**五運**唐書云乘土王世五十數

盡千年乘金王世四十九數九百年乘水王世  
二十數六百年乘木王世三十數八百年水火  
王世二十數七百年天地之常也自黃帝至漢  
五運適同**大雨**春秋命歷序云人皇九頭駕六  
羽乘雲谷口**鯀**王廷壽云伏羲鱗身**大庭**譙  
周古史考云大庭氏姜姓以火德王故號曰炎  
帝**雲紀**左傳云黃帝以雲紀故爲雲師而雲名  
炎帝以火紀故爲火師而火名**生巢**春秋含誠  
圖云赤帝之精生於翼下**處器**呂氏春秋云帝

顓頊生自若水巖處空桑乃登帝位

**牛首**

帝王

世紀云有媧氏女名女登為少典妃遊華陽有

神龍首感女登生炎帝人身牛首

**統樞**

含神靈

云大電光統北斗樞星感符寶而生黃帝

**寶月**

河圖云瑤光之星如虹貫月感女樞於幽房之

宮而生顓頊

**龍顏**

春秋元命苞云黃帝龍顏

**圓**

**集**

韓詩外傳云黃帝即位鳳乃止於帝東園集

帝梧桐樹食帝竹實沒身不去

**赤龍**

含神霧云

慶都與赤龍合而生堯

**八眉**

尚書人傳云堯八

眉八眉者如八字

**食圖**

帝王世紀云堯率諸侯

群臣沉璧於河洛受圖書

**記曰**

大戴禮云宰我

請問帝堯孔子曰放勛其仁如天其智如神就

之如日望之如雲

**土壇**

墨子云堯堂高三尺土

堦三等茅茨不斷剪采椽不斷

**樞星**

尚書大傳

注云舜母感樞星精而生舜重華

**重瞳**

春秋元

命苞云舜重瞳子

**修文**

帝王世紀云有苗氏

固不服舜乃修文教三年執干戚而舞之有苗

乃來格

**五絃**

禮記云昔舜作五絃之琴以歌南

風**王曆**搜神記云虞舜耕於歷山得玉曆於河

際之叢舜知天命在已體道不倦**珠犀**蜀王本

紀云禹母含珠孕禹生於塗山**鳥喙**尸子云禹

長頸鳥喙面貌亦惡矣天下從而賢之**泣血**劉

向說苑云禹出見皋人問而泣之**御龍**括地圖

云禹誅防風夏德盛二龍降之禹使范氏御之

以行**寶文**河圖云禹治水功成天帝以寶文大

字賜禹佩渡北海弱水之難**四乳**春秋元命苞

云文王四乳是謂含良**斷齒**春秋命苞云武

王餅齒是謂剛強注重齒也

**扇賜**

帝王世紀云

武王自孟津還及于周見賜人王自左擁而右

扇之

**奇節**

搜神記云漢高祖少有奇節聰明多

智

**蛇分**

漢高謨云天造草昧雄圖糾分赫赫漢

祖應若興雲秦原鹿喪沛澤蛇分大風一起南

面稱君

**魚舞**

漢書云宣帝東浮大河神魚出舞

**赤光**

袁弘漢紀云南頓君初爲濟陽今夜生光

武於縣會有赤光照室是歲縣界有嘉禾生一  
莖九穗因名光武曰秀望氣者蘇伯阿爲王莽

使至南陽還春陵遠望含南火光燭天

**冊**晉

書云元帝永嘉初有玉冊見於長安王麒麟神

璽出於江寧其文曰長壽萬年

**天寶**

唐記云開

元未於弘農古函谷間得寶符遂改元曰天寶

**祝石**

獨異記云唐中宗爲天后所廢於房陵仰

天而嘆心祝之因拋一石於空中曰我後帝此石不落其石遂爲樹枝勾掛至今尚存

太子

**主器**

易云主器者莫若長子故受之以震

**元子**



禮記云天子之元子**繼明**易云明兩作離大人

以繼明照于四方**少海**山海經云元臯之山南

望幼海幼海即少海也天子比大海太子比少

海**前星**漢書云心火星天王星也前星太子星

也**東宮**顏延年云毓德於少陽注育德於東宮

少陽也**孟侯**尚書大傳云天子太子年十八曰

孟侯孟侯者於四方諸侯來朝迎於郊者問其

所不知也**稱號**韓詩外傳云五帝官天下三王

家天下家以傳子官以傳賢故自唐虞已上經

傳無太子稱號夏殷之傳其文略矣至周始見  
文王世子之制又白虎通云何以知天子之子  
稱世子春秋傳曰王世子會于首止是也何以  
知天子之子稱太子尚書曰太子發升于舟是  
也或云諸侯之子稱世子則春秋傳云晉有太  
子申生鄭有太子華齊有太子光由是觀之周  
制太子世子亦不定也漢制天子稱皇帝其嫡  
嗣稱皇太子諸侯王之嫡稱世子後代咸因之

**敬保**

書云用敬保元子釗

**鶴禁**

漢官闕疏云白

鶴太子所居之地故云鶴禁**青宮**神異經云東

明山中有宮青石爲牆門有銀榜以青石碧鏤

題曰天地長男之宮**承華**漢宮殿名云太子門

曰承華**樹姑**晉起居注云武帝太始三年有司

奏正統立嫡詔曰統承大業懼未能光祖宗之

遺德至於建嗣樹嫡非所務也**備**晉中興書

云安皇帝烈宗長子也冊爲皇太子曰岐疑來

于載誕克廣同乎大成是用命爾以登儲貳**少**

**微**荊州星占云少微星一名處士星儲君副主

之宮

**桂宮**

漢書云孝成皇帝元帝太子也初居

桂宮

**九旗**

晉書東宮舊事云皇太子初拜有石

山安車一建九旗青色四馬庭設三廂樂舞六

佾

**九旗**

徐廣云禮樂承軒輿冊授庭命服惟九

龍旗鸞旌

**旌**

晉東宮舊事云皇太子初拜有

旌幢一

**黃麾**

晉東宮舊事云太子鹵簿有黃麾

**誦結**

禮記云凡學世子學士以時春誦夏絃太

師詔之

**三善**

禮記云行一物而三善皆得者唯

世子而已其齒於學之謂其一知父子之禮其

二知君臣之義其三知長幼之節故學之父子

馬君臣焉長幼焉一人元良萬國以貞世子之

謂也**龍符**唐六典云侍符之制太子監國曰雙

龍之符左右各一左者進內右者付外**作樂**山

海經云祝融生太子長琴是時處搖作搖山之

樂**三至**禮記云文王之為世子朝於王季日三

鷄初鳴而至於寢門外問內豎之御者曰今日

安否何如內豎曰安文王乃喜及日中又至亦

如之及暮又至亦如之**著龜**賈誼云文王使太

公望傳太子發發皆鯁魚太公不與曰鯁魚不  
登俎豈可以非禮養太子哉附註國語云楚  
莊王急召太子楚法車不得至節門天雨庭中  
有漆太子遂驅車至節門附註左傳云晉侯使  
太子申生伐東山里克諫曰太子奉冢祀社稷  
之粢盛以朝夕視君膳者也故曰冢子君行則  
守有守則從從曰撫軍守曰監國古之制也附註  
附註漢書云高皇欲廢太子立趙王如意大臣諫  
爭未決張良為畫計曰願上不能致者商山四

人今能無愛金玉使太子卑辭厚禮迎此四人  
則一勦也於是四人至侍太子入譙年皆八十  
餘眉鬢皓白衣冠甚偉上怪問之四人各以名  
對帝太驚曰吾求公數歲常避逃我今何從吾  
兒遊四人去上日送之指示戚夫人曰彼四人  
輔之羽翼已成難動矣思賢西京雜記云文帝  
爲太子立思賢苑以招賓客夢日漢書云孝景  
王皇后武帝母也內太子宫太子幸愛之生三  
女一男男方在身時王夫人夢日入其懷以告

太子曰此貴微也未生而文帝崩景帝即位王夫人生男是爲武帝**博望**漢書云衛皇后生戾太子據上爲立博望苑使通賓客**馳道**漢書云孝成帝元帝太子也宣帝愛之字曰太孫初居桂宮上嘗忽召太子出龍樓門不敢絕馳道兩至城門得絕乃度上以遲問其故以狀對上大悅乃著令令太子得絕馳道**墾田**東觀漢記云建武時天下墾田不實詔下州郡檢其事帝見陳留牘上有書曰潁川弘農可問河南南陽不



可問帝詰吏由趣吏不服抵言於長安街得之  
帝怒時明帝年十二爲太子在幄後曰吏受郡  
勅當欲以墾田相方耳帝曰即如此河南南陽  
不可問何也對曰河南帝城多近臣南陽帝鄉  
多近親田宅踰制不可爲准帝令詰問乃首服  
如太子言**樂歌**崔豹古今注云漢明帝爲太子  
樂人以歌四章贊之一曰日重光二曰月重輪  
三曰星重暉四曰海重潤**四友**吳志云孫登字  
子高雅稱尊號爲皇太子銓衡秀士以爲賓友

諸葛恪爲左輔張休爲右弼顧譚爲輔正陳表  
爲翼正都尉是爲四友**繼體**魏著云今天下粗  
治惟東官初立不早以正人傳導之非所以存  
繼體之慶且泣下帝爲感動**針**晉書云隱懷  
太子停舍人杜錫每以忠言規勸太子太子怒  
使人以針著錫所坐毡中刺之**望火**晉書云愍  
懷太子名遹少聰慧帝愛之六七歲時帝夜望  
火太子率上衣裾使入閣中上問其故太子對  
曰暮夜倉卒宜備非常親近火光令人照見**問**

**日**世說云晉明帝數歲在元帝處坐時有人從

長安來帝謂曰爾言長安遠日遠明帝曰只聞人從長安來不聞人從日邊來日固宜遠帝大嘆賞明日群僚並集帝復問乃荅云日近帝失色曰何異昨語荅曰舉目見日不見長安衆莫不嗟嘆

**宋書**

北史云那時為博士授太子經厨

人進食有菜曰邪蒿特命去之曰此菜自不正之名非殿下所食

**王契**

唐書崔神慶傳云武后

時有司移文東宮召太子神慶諫曰五品以上

佩龜者蓋防微君之詐內出龜以合之況太子  
乎古者召太子用玉與今太子與陛下異宮非  
朝朔望別喚者請降墨敕王契

**迎還**

唐史云武

后遣徐彥伯迎廬陵王於房州王至后匿王帳  
中召見仁傑語廬陵事仁傑敦請甚切至涕下  
不能止后乃使王出曰還爾太子仁傑降拜頓  
首曰太子歸未有知者人言紛紛何所信后然  
之更舍太子令龍門具禮迎還中外大悅

**賜酒**

唐書云元宗命相皆先書其名一日書崔琳等

名覆以金甌會太子入帝謂曰此宰相名意之  
誰乎中且賜酒太子曰非崔琳盧從愿乎帝曰  
然賜太子酒通意唐史云肅宗數稱舒王賢李  
泌端帝有廢立意因曰陛下有一子而疑之乃  
欲立弟之子臣不敢以古事爭且十託諸叔陛  
下奉之若何帝赫然曰卿何知舒王非朕子對  
曰陛下皆爲臣言陛下有嫡子以爲疑弟之子  
敢自信於陛下乎帝曰卿違朕意不顧家屬耶  
對曰臣家老位宰相以諫而誅分也使太子廢

他日陛下悔曰我惟一有兄弟子非所欲也

**陸士衡**云在昔蒙嘉運矯迹入崇賢假翼鳴

鳳修濯足升龍泉**儲弼**徐伯陽云儲駕戾止和

鸞有聲**重光**劉孝威云赫赫重光明明二聖帝

作儲述禮和樂正**元良**又云太子天下本元良

萬國貞周朝推上嗣漢世慙重明前星涵瑞采

游雷揚遠聲三善傳樂正百行紀司成**重輪**虞

世南云重輪依紫極前耀奉丹霄天經戀宸宸

帝命扈仙鑣乘星開鶴禁帶月下虹橋提山盛

風樂抽簡薦從誼

王

**建國**

易云先王以建萬國親諸侯

**大監**

史記云

黃帝置左右大監以監萬國

**皇子**

蔡邕獨斷云

漢制皇子封為王其實諸侯也周末諸侯或稱王而漢自以皇帝為稱故以王號加諸侯摠名諸侯王

**封爵**

齊職儀云建國之數蓋親賢無封

制夏列九州制五服立爵五等分地有三公侯方百里伯方七十里子男五十里不足五十里

曰附庸殷則爵列三等周又列五等則公方五  
百里侯伯子男各百里爲差不滿百里爲附庸  
凡王之子弟並叅封之秦稱皇帝除五等之制  
以郡縣子弟爲匹夫漢興立爵二等大者王小  
者侯而王之號謂爲諸侯王**牙土**蔡邕獨斷云  
天子大社以五色土爲壇漢制王太子封爲王  
者受天子大社之土以所封之方色東方受青  
土如其方色籍以白茅授之歸國以立社故謂  
之茅土孔安國注尚書曰王者封五色土爲社



則各割方色土與之使立社燹以黃土苴以白  
茅茅取其潔黃取王者覆被四方**金璽**漢書云  
諸侯王黃金璽橐駝鈕**展親**書云分寶王子伯  
叔之國時庸展親**服膺**荀子云以服膺之禮親  
兄弟之國周王兼制天下立七十國姬姓獨居  
五十二人焉**侯魯**詩云建爾元子俾侯于魯成  
王封伯禽**麟趾**詩云麟之趾振振公子于嗟麟  
兮注趾足也振振信厚**維城**詩云懷德維寧宗  
子維城**鑿石**漢書云高帝王子弟犬牙相制所

謂盤石之固魯衛左傳云管蔡邠霍魯衛毛聃

邠雍曹滕畢原豈邠文之昭也梁楚漢書云漢

興之初海內新定同姓寡少於是割裂疆土立

二等爵尊王子弟大啓九國奄有龜蒙爲梁楚

也協和書云協和萬邦隸詩云棠棣之華鄂

不韡韡凡今之人莫如兄弟注閔管蔡之失道

故作此詩王左傳云禹會諸侯于塗山執玉

帛者萬國梓材史記云衛康叔名封周武王同

母弟也封爲衛君居河淇間周公懼康叔齒少

乃申告康叔作梓材篇言為政之道如梓人理

材焉

**剪桐**

史記云成王與小弱弟叔虞戲則剪

桐葉為珪以封叔虞史佚因請擇日立叔虞成

王曰與戲耳史佚曰天子無戲言於是遂封叔

虞於唐後為晉

**從獵**

漢書云淮西厲王長高帝

少子孝文帝初即位自以最親驕蹇數不奉法

上寬赦之三年入朝甚縱橫從上入苑獵與上

同輦

**耽書**

漢書云淮南王安為人耽書善鼓琴

不喜弋獵

**樂書**

東觀漢記云東平獻王蒼少有

孝友之賢寬仁弘雅美鬚髯明帝嘗從容問王  
在家何好最樂蒼曰爲善最樂

**附註**

漢書云楚

元王交高祖同父少弟好讀詩諸子皆讀詩號

曰元王詩

**附註**

東觀漢記云沛獻王輔善京房

易永平五年少雨上御靈臺自卦以易林占之

其繇曰戶蟻封穴大雨將至上問輔輔曰寇民

下坎上爲水山出雲雨蟻穴居其中知雨將至

**論經**

東觀漢記云沛獻王輔性好經書論集經

傳圖讖作五經通論秦蕃以至沒遵履法度未

言犯禁稱為賢王

**平臺**

漢書云梁孝王廣睢陽

城七十里大修宮室為複道自宮連屬於平臺

四十餘里

**招隱**

王逸云招隱士者淮南王劉安

之所作也昔淮南王好古招士八公之徒歸之

各竭才著作分造詞賦以類相從故稱小山大

山其義小雅大雅詞曰桂樹叢生兮山之幽篲

蹇連拳兮枝相樛

**兔園**

西京雜記云梁孝王好

宮室園圃之樂作睢陽之宮營兔園園中有百

室山山上有落後島鴈沼沼中間有鷺洲鳧渚

**忘憂**西京雜記云梁孝王遊於忘憂觀集諸游

士各使爲賦

**思仙**

神仙傳云淮南王劉安好神

仙黃白之事於是八公乃往迎之登思仙臺

**談**

**鹽**

漢書云楚元王敬禮申公白公穆生等穆生

不嗜酒元王常爲穆生設醴及王戊即位亦設

醴後忘設焉穆生退曰可以去矣

**鹽**

史記云

景帝二年諸王來朝有詔更前稱壽歌舞長沙  
定王但張敖小舉左右笑其拙上恠問之對曰  
臣國小地狹不足回旋帝以武康陵零桂陽

益馬

**入省**

東觀漢記云永年四年移幸北宮章

德殿講白虎觀清河王慶得入省宿止

**御幸**

漢

書云安平王孚假黃鉞前後羽葆建九旒駕駟

馬御雲母輦

**助國**

東觀漢記云東海王彊孫慎

王肅性謙儉永初中以西羌未平上錢二十萬

元初中上繡萬疋以助國

**學龍**

漢書云楚元王

交高帝弟自文帝即位交學詩內事文帝尊寵

元王子爵比皇子

**置館**

西京雜記云河間王德

築日華宮置客館二十餘區以待學士

**獻樂**

漢

書云河間獻王景帝子修學好古武帝時獻王  
來朝獻雅樂對三雍之宮應劭注曰辟雍明堂  
靈臺也

**惠寵**

東觀漢記云東海王疆得食五郡

二十九縣租入倍諸王賞賜恩寵絕倫置虎賁  
旄頭宮殿鍾簴縣之

**留邸**

漢書云成帝無嗣體

常不平定陶共王來朝上曰我未有子人命不  
諱一朝有他且不復相見爾長留侍我矣因留  
國邸朝夕侍上

**應璩**

魏志云應璩劉楨等俱爲

五官中郎將文學咸善屬詩賦後璩楨等卒文



帝與吳質書曰昔年疾疫親故多罹其災徐陳  
應劉一時俱逝今朝魏志云明帝詔曰先帝著  
令不欲使諸王在京都朕惟不見諸王十有二  
載能不興思其令詔王及宗室公侯各將嫡子  
一人朝賑人昔書云齊王攸令文武士卒不食  
廩賜者以秋賦賑疾病死亡時有水旱出租稅  
加十二賦以賑國人須豐年乃收入本直修竹  
枚乘云修竹檀欒夾地兔園曳裾鄒陽賦云哲  
王臨國綽矣多暇長裾飛廣袖齋長纓之士

筦爾而即之蘭坂曹植云明月澄清景列宿正  
參差秋蘭被長坂朱華冒淥池**平樂**曹植云聞  
鷄東郊道走馬長楸間觀者咸稱善衆士歸我  
賢歸來宴平樂美酒斗十千**西園**曹植云公子  
敬愛客終宴不知疲清夜遊西園飛蓋相追隨  
**承祀**魏夏侯玄云覽二儀之上體本人倫之大  
紀道莫崇於后辟統莫大於承祀伊皇衢之光  
赫享軋坤之元祉在太和之五載肇皇胤之盛  
治**鍾繇**曹植云於皇我后懿章前志祇肅郊廟

明德敬忌潛和積石鍾天之璽嘉月令辰篤生

聖嗣慶由一人萬國作喜

**葵業**

沈約云臣以萊

孱初無秀業伊天宅照藉海憑瀾王爵早加藩  
麾夙樹進不能閑詩西楚好禮北河退無以振  
采六條宣風萬里懷慙起懼載溢心顏徒旃淮  
區遷金濟服朱駟出卽青組臨方瞻惟徵寵俯  
仰亡厝

**愛賓**

薛昉云平臺愛賓友逢掖齒簪裾

藉卉懷春若開襟近夏初嫩枝猶露鳥細藻欲  
藏魚舞袖臨飛閣歌聲出綺䟽莫慮歸衢晚馳

輪待與餘

**綠車**

李敬玄云綠車旋楚服丹躋竹

秦川珠阜轉歸騎金岸引行旂一朝限原隰千  
里間風煙駕喧上林谷鳧響御溝前斷雲移魯  
蓋離歌動舜絃別念凝神宸崇恩洽玳筵願惟  
慙叩寂徒自仰鈞天

**西臺**

楊思玄云元王詩傳

憐文后寵靈優鶴蓋動宸眷龍章送遠遊函關  
踈別道灞岸引行舟北林分遠樹東流溢御溝  
鳥聲含羽碎騎影曳花浮聖澤九垓普天文七  
耀周方從獻雅樂簪帶奉鳴球

**石藏**

張大安云

盛藩資右戚連萼重皇情離襟愴雅苑分途指  
鄴城麗日開芳甸佳氣積神京何時驟駕入還  
兄謁承明圓屏劉禕之云周屏辭金殿梁駉整  
玉珂管絃依折柳琴韻動流波鶴蓋分陰促龍  
軒別念多巡襟小山路還起大風歌作屏唐太  
宗冊文云易陳利建道貫三才傳稱夾輔業昌  
百代錫以茅土賦茲典冊爰誓山河永作蕃屏  
改親唐冊文云夫建官之道實資明德列爵之  
義必俟茂親故晉鄭佐周功宣於賁亮問平輔

漢業崇於藩屏

皇后

**至尊**

白虎通云天子之配謂之后后者君也天

子之配至尊故謂后也

**正嫡**

漢官儀云周則天

子立后正嫡曰王后秦稱皇帝正嫡曰皇后漢

因之帝祖母稱太皇太后母稱皇太后魏晉之

後母后之號並尊秦漢其餘嬪御代有公革

**安**

**道**禮記云后修女順母道也注母者施陰教於

婦也

**陰德**

禮記云天子聽男教后聽女順天子

治陽道后治陰德天子聽外治后聽內職陰禮

周禮云內宰以陰禮教六宮注六宮謂后也內

治昏義云聽天下之內治以彰明婦道天下內

和而家理輔德南史云輔成君德燮理陰政內

君白虎通云天子之配謂之后后者何也明海

內之小君也婦順禮記云天子立后以彰明婦

順婦順不修陰事不得譔見於天月為之食故

月食則后素服而修六宮之職蕩天下之陰事

注蕩滌去穢惡入御尚書大傳云后夫人將侍

君前息燭至於房中釋朝服襲燕服然後入御  
于君鷄鳴太師奏鷄鳴于陸夫人鳴珮玉于房  
中告云也然後應門擊柝告闕也**翟降**書云翟  
降二女于媯汭嬪於虞**逮下**詩傳云樛木后妃  
逮下也言能逮下而無嫉妬之心焉**彤管**五經  
要義云古者后夫人必有女史彤管之法后妃  
群妾以禮御于君所女史書其環以進退之生  
子月辰則以金環退之當御者著於左手既御  
著于右手左手陽也以當就乃故著左手右手



陰也御而後故**椒房**漢官儀云皇后稱椒房以

椒塗壁取其溫辟惡氣也或云取椒聊著衍之

義**璇宮**拾遺記云帝少昊以金德王母曰星姨

處璇宮**長秋**漢書云有司奏建長秋宮帝曰皇

后之尊與朕同體永宗廟毋天下豈易哉惟鄧

貴人德冠後庭乃可當之長秋者以后為陰秋

陰之始取其長而欲其久也**翟衣**周禮云內司

服掌褙衣褕狄鞠衣展衣祿衣褕音火韋反漢

魏故事后親蚕禮皇后著十二笄步搖乘畫雲

毋安車駕六駟馬駟京媚反**親**云敕梁傳云天  
子親耕以共粢盛皇后親蠶以共祭服**春桑**漢  
舊儀云皇后婕妤采輦餘皆以茵四人與以行  
皇后王璽文與帝同皇后春桑皆衣青手採桑  
而繅二盆蠶示群臣妾從春桑生而皇后親桑  
於苑中蠶室養蠶十箔以上群臣妾從桑還獻  
蠶於館**桑壇**晉元康儀云皇后採桑壇在蠶宮  
西南**告冊**沈括筆談云立皇后當降制誕告不  
裝告身而用冊本朝諸后皆止用告景祐元年

立后用冊後皆循之

**金根**

漢書云太后太皇太

后皇后法駕六御金根車玉輅輦

**四妃**

世本云

帝嚳卜其四妃之子皆有天下元妃有邵氏之

女曰美嬀生后稷次妃有娥氏之女曰簡狄生

契次妃陳鄴氏嬀都生帝堯次妃嫫母氏生帝

摯嫫母列女傳云黃帝妃嫫母於四妃之班居

下貌甚醜而最賢心每自退

**胥宇**

詩云爰及美

女聿來胥宇注姜女太美太王之妃賢而有色

**貽教**

列女傳云太任王季之妃摯任之女也端

一誠莊唯德之行及其有身也目不視惡色耳  
不聽惡聲口不出敖言洩于豕牢而生文王文  
王生而明聖太任教以一而知其百卒爲周宗  
君子謂太任爲能胎教教內帝王世紀云武王  
妃太公之女曰邑姜脩教于内生太子誦思齊  
詩云思齊篇云思齊太任文王之母思媚周姜  
京室之婦毛萇注齊莊媚愛也周姜太姜也常  
思莊敬太任乃爲文王之母又常思愛太姜之  
配太王之禮故能爲京室之婦言其德行純備

故生聖子

**待罪**

瑣語云周宣王夜卧而晏起后

夫人不出於房姜后乃脫簪珥待罪於永巷使其傅毋通言於宣王曰妾之淫心見矣至使君王失禮而晏起以見君王之樂色而忘德也亂之興從婢子始敢請罪王曰寡人不德寔自生過非夫人之罪也遂復姜后而勤於政事早朝晏退卒成中興

**沙鹿**

世本云春秋時沙鹿山崩

晉文占之曰後六百四十五年宜有女聖女興漢元后之宗正居其地年數復與之相符

**奉鼎**

史記云單父人呂公好相人見高祖狀貌甚偉敬重之曰臣有息女願奉其帚即呂后也

**宋劔**

漢書云宣帝與許后起微賤及即位大臣議立后難之帝乃下詔求故劔大臣知旨遂立許后字平君

**蘭殿**

漢武胡事云孝景王后生武帝於

倚蘭殿

**金屋**

漢武帝故事云帝為膠東王生數

歲長公主指問曰兒欲得婦不曰欲得指女阿嬌好不笑曰若得阿嬌當作金屋貯之

**石字**

西

京雜記云元后在家時嘗有白燕嚙白石墜后

續崔中后自剖之文曰毋天地

**織室**

東觀漢記

云明德馬皇后置織室蠶宮於濯龍中數往來

觀視之

**夢月**

漢書云元后母李娠政君夢月入

懷政君元后小字也

**衣練**

東觀漢記云明德馬

皇后傳曰太后詔曰吾萬乘之主身衣大練絲

裙食不求所甘左右傍人皆無薰香之飾

**不飾**

續漢書云和壽鄧后傳云宮省晏會諸貴人競

自修飾極靡麗之服而后獨澹然衣不擇采裝

不務飾

**無忌**

續漢書云順烈梁后立順帝崩中

帝在襁褓太后攝政初章德竇后嫉害恭懷皇后獨坐聖嗣陷以非辜家屬坐徙九真章德后之從父昆弟章女為貴人與太后並寵章致大位大鴻臚及上晏駕后登至尊章惶怖太后內無忌刻之心遂不以舊惡介意探等職官分紀云漢順帝欲立后貴人有寵者四人欲採等以神定之胡廣上疏諫帝從之卒不立后王衣魏書云甄后幼時每竊寐家中髣髴見如有人持玉衣覆其身女至魏志云文帝郭后少而父奇



之曰此吾女中王也遂名女王**神光**魏志云竇

后少小頭禿不為家人所齒遇七夕人皆看織

女獨不許出乃有神光照室**黃氣**魏書云宋皇

后漢延嘉二年生齊郡白亭有黃氣滿室移日

**方口**東觀漢記云明德馬皇后長七尺二寸青

白色方口美髮**聚雪**蜀志云先主置甘后於白

錦帳中望之如月中聚雪**抑族**續漢書云孝和

鄧后性謙慎兄弟中外皆先帝所寵自攝政之

後內檢左右外抑宗族**蘭館**漢書云王莽傳元

后厭居深宮中王莽欲市其歡令太后四時巡

四郊春幸蘭館注上林蠶所也

**脂澤**

晉氏要事

云安帝九年右丞張頊議瑯琊及湖熟界有皇  
后脂澤田四十頃請以借貧人

**苦桃**

隋書云又

帝外家呂氏甚微平齊後求訪不知所在開皇

初汝南郡上言有男子呂永吉自稱有姑字苦

桃嫁楊氏勘驗知是外家

**女則**

唐書云太宗長

孫皇后少讀書既正中宮務崇節儉上嘗與議  
賞罰后辭曰妾婦人安敢豫政嘗采自古婦人

得失事爲女則三十卷及崩宮官奏聞上覽之  
悲慟示群臣曰但入宮不復聞規諫之言失一  
良佐故不能忘懷**詔花**卓異記云天授二年獵  
卿相詐稱上苑花開則天宣詔曰明朝遊上苑  
火急報春知花須連夜發莫待曉風吹凌晨名  
花皆發**鑄金**通鑑云元魏王珪將立皇后其國  
用故事鑄金人卜立之劉氏鑄不成慕容氏成  
遂立慕容氏**並后**左傳云兩政並后匹嫡偶國  
亂之本也**瑤齊**張華云瑤齊無主長去祗嘗**星**

**軒**顏延之云坤則順成星軒潤飾注儀禮有房  
中樂后夫人諷誦以事君子星軒軒轅星也**翼**  
**夏**謝承云降登三代創業之君亦賴賢妃用佐  
厥勲塗山翼夏有莘賛殷**興媽**皇甫規云關雎  
首化萬國承流實有淑女允作好仇唐媛與媽  
文母盛周**日月**魏名臣奏云臣聞帝之有后猶  
日之有月也**內訓**張華云先王統大業玄化漸  
八維儀形乎萬邦內訓崇宮闈皇英垂帝則大  
雅詠三妃含章體柔順率禮蹈謙祇姦斯弘慈

惠樛木逮幽微**家道**成公綏云天地不獨立造

化由陰陽乾坤垂覆載日月曜重光理國先家

道立教起閨房**靜德**江淹云伏惟光曜靜德式

懷謙順升降圖傳左右詩史風諸茂資早摛芳

訓衍教紫宸麗軌華屋聲徽綺組風偃家邦**陰**

**教**溫子昇云伏惟陛下龍飛纘極大明理運長

楸既連陰教有主景命無窮皇圖長固普天之

下莫不欣躍**行美**裴頠云膏不厭鮮水不厭清

土不厭潔蘭不厭馨爾形信直影亦不曲爾聲

信清響亦不濁綠衣雖多無貴於色邪徑雖利  
無尚於直春華雖美期於秋實冰壁雖澤期於  
見日浴者振衣沐者彈冠人知正服莫知行端  
服美動目行美動神天道祐順嘗與吉人  
江搃云鶴籥晨啓雀釵曉映恭承盛典肅荷微  
章步動雲桂香飄霧縠媿纏艷粉無情拂鏡愁  
索巧黛息意臨窓

妃嬪

**亞后**

齊書云永明中奏淑妃舊擬九棘以淑爲

溫恭之稱妃爲亞后之名進同貴妃加比三司

**正妃**

史記云中宮天極星後有四星其一爲正

妃餘爲嬪御之屬

**大妃**

魏書云魏以來諸王之

母爲大妃

**貴妃**

南史云朱孝武初置貴妃

**淑妃**

南史云魏明帝置淑妃

**好述**

詩云關關雎鳩在

河之洲窈窕淑女君子好述注關雎后妃之德

也

**六宮**

周禮云天子后立六宮三夫人九嬪二

十七世婦八十一御妻以聽天下之內治以明

章婦順故天下內和而家理注六宮者前一宮

後五宮也五者后一宮三夫人一宮九嬪一宮  
二十七世婦一宮八十一御妻一宮凡百二十  
人后正位宮闈繼同天王夫人坐論婦禮九嬪  
掌教四德世婦主知喪祭賓客文御序王之燕  
寢漢書云正嫡曰皇后其餘內職有夫人  
美人良人八子七子長使少使之號武帝加婕  
妤嬪五形反娥容華充衣元帝加昭儀又有官  
順常無涓共和娛靈寶林良使夜省之小職又  
後漢書云光武中興並省前制正嫡之外唯立



貴人美人綵女之號魏制魏志云武帝因西漢

置夫人昭儀婕妤容華美人文帝增貴嬪淑媛

修容順成良人明帝增淑妃昭華修儀晉制晉

書云武帝採漢魏之號以擬周之六宮置貴嬪

夫人貴人是爲三夫人淑妃淑媛淑儀修容脩

華脩儀婕妤容華充華是爲九嬪又置美人才

人中才人以爲散職唐制唐書云內宮有貴妃

正一品唐百官志唐制皇后而下有貴妃淑妃

德妃賢妃是爲夫人昭容昭儀昭媛脩容脩儀

脩媛充容充儀充媛是爲九嬪嬪好美人才人  
各九合二十七是代世婦寶林御女采女各二  
十七各八十一是代御妻自餘六尚分典乘輿  
服御皆有次序後世改復不常開元時以後不  
復有四妃非是乃置惠嚴華六妃六儀四美人  
七才人而尚宮尚儀尚服各三參后前後大抵  
踵周官相損益云賈魚易云賈魚以官人寵無  
不利論禮鄭玄云古者三夫人之於后猶三公  
之於王坐而論婦禮禮記禮記云王后褙衣夫

人禴翟弓燭月令章句云仲春之月玄鳥至之

日以大牢祠于高禴高禴祈子之祀也后妃將

嬪御皆會于高禴以祈孕姓乃醴天子所御帶

以弓韉天子所御謂后妃以下至御妾孕姓有

萌牙者也韉弓衣欽以醴酒帶以弓矢于高禴

之前弓矢者男之事也

印青綬佩采璫玉也

月九日當拜鄭夫人石姨好紫儀注應服翟

挂襜褕視後漢書云漢法常因八月筭民遣中

大夫與掖庭丞及相工於洛陽鄉中閱視良家  
童女合法相者載還後宮擇視可否乃用登御

**婦學**

周禮云九嬪掌婦學之法以教九御婦德

婦言婦容婦功各師其屬而時御于王所**見妬**

鄒陽云女無美惡入宮見妬**內嬖**左傳云桓公

內寵如夫人者六人**妬鼻**史記云魏王遣楚美

人王悅之夫人鄭哀紀王之悅之也愛之甚於

王王曰婦人以色事夫妬其情也今鄭哀知寡

人之所悅其愛甚於寡人此孝子所以事親忠

臣所以事君也鄭哀旣知王以爲不妬因謂美人曰王甚愛子然惡子之鼻見王必掩子鼻美人從之王謂鄭哀曰美人見寡人必掩鼻何也對曰似惡聞王之臭王曰悍哉令剗之棄魚史記云魏王與龍陽君共船而釣得十餘魚而棄之泣下曰臣始得魚甚喜後得益多而大王欲棄前所得也今臣得拂枕席爵至人君四海之內美人甚多聞臣得幸畢冠裳而趨臣亦同所得魚將棄矣得無涕乎王乃令曰敢言美人者

族**諫獵**

列女傳云楚莊王夫人樊姬王好獵姬

數諫不止乃不食禽獸之肉二年王感之而勤

政事

**無駟**

列女傳云齊孝公孟姬華氏之女從

孝公遊車奔姬墮車碎孝公使駟馬立車載姬

姬泣曰妾聞妃下堂必從傅母保阿進退則鳴

玉風環今立車無駟非敢受命

**從死**

列女傳云

越姬楚昭王之姬越王勾踐女也昭王讌遊越

姬從謂姬曰樂乎對曰樂則樂矣而不可久也

王曰願與子生死若此姬曰君之樂遊要妾以

死不敢聞命後王病有赤雲夾日如飛鳥王問  
周太史太史曰是害王身請移於將相王曰將  
相於孤猶股肱也不聽姬曰大哉君之德妾請  
從王死矣妾聞信者不負其心遂自殺

**圖像**

漢

書云孝武帝李夫人未入宮時平陽公主爲帝  
言李延年有女弟帝召見之妙麗善舞由是寵  
幸生一男是爲昌邑哀王李夫人早卒上憐念  
不置圖畫其像於甘泉宮

**起處**

漢武帝故事云

李夫人從上至甘泉而卒葬雲陵上哀悼爲起

通靈臺常有一青鳥集臺上至宣帝時乃止奉

夫人昭帝母也

**青塚**

漢書云元帝後宮既多不

得常見使畫工圖其形按圖召幸宮人爭厚賂  
畫工昭君自恃其貌獨不與及匈奴入朝選宮  
人配之昭君以圖當行入辭光彩射人天子重  
失信外國悔恨不及窮索其事畫工毛延壽安  
陵陳敞新豐劉白樊寬杜陵楊望樊青等皆同  
日棄市籍其資財漢人憐昭君遠嫁爲作歌詩  
後昭君服毒死舉國葬之胡中胡地白草而昭



君塚草獨青號曰青塚

**當熊**

漢書云孝元馮昭

儀初爲婕妤上幸虎園聞獸熊逸出園攀檻欲

上馮婕妤直前當熊而立上問何故婕妤對曰

猛獸得人而止妾恐熊至御坐故身當之

**辭攀**

漢書云成帝時班婕妤初選入後宮帝遊後進

欲與同輦載婕妤辭曰觀古圖畫賢聖之君皆

有名臣在側三代末主乃有嬖妾今欲同輦得

無近似乎上乃止

**點頰**

拾遺記云吳孫和悅鄧

夫人嘗置膝上和弄水精如意誤傷夫人類血

袴袴帶醫者曰得白獺髓雜玉與琥珀屑當滅  
痕及差有赤點更益其妍諸嬖人更競用丹脂  
點頰以要寵**長白**晉書云武帝泰始中大採擇  
公卿子女以充六宮使楊后簡選后皆不取端  
正妙好惟取長白**半面**南史云梁元帝徐妃無  
容質以帝眇一目每知帝將至必爲半面粧以  
候帝帝見則大怒而出**寶帳**唐史云寶曆二年  
浙東貢舞女二人一曰飛燕一曰輕鳳蘭氣融  
冶冬不續衣夏無汗體上琢玉芙蓉爲二女歌

舞臺每歌舞一發如鸞鳳之音百鳥莫不翔集  
上嘗令內人藏之金屋寶帳蓋恐風日也宮中  
語曰寶帳香重重一雙紅芙蓉**蝶幸**明皇雜錄  
云春時使後宮各插花上親於蝴蝶隨蝶所止  
幸之謂之蝶幸**紅汗**三寶遺事云貴妃每至夏  
月裳衣輕綃使侍兒交扇鼓風猶不解其熱每  
汗出紅膩而香拭之巾帕之上也如桃紅**門楣**  
楊妃外傳云貴妃寵幸時謠曰男不封侯女作  
妃君看女却作門楣**花羞**五代史云後唐明宗

淑妃王氏號花兒羞**立防**梁武帝云魏晉已來  
薄內職名號參差不同在宋太始位置繁冗遂  
設官九品且擬外朝填委椒掖徵費無已自此  
相仍踵以成舊昭陽九華千門萬戶朕思所以  
立防自邇貽厥將來前代職品所宜因革外可  
詳議務令該允**殿塵**班婕妤云潛玄宮兮幽以  
清應門閉兮禁門扃華殿塵兮玉堦苔中庭萋  
兮綠草生廣室陰兮帷幄暗房櫳虛兮風泠泠  
俯窺兮丹墀思君兮履綦仰視兮雲屋雙涕兮

橫施

**登漢**

沈約云蓬閨菲質嘉淑無筭越自幽

衡登軀宸漢奉日月之華侍巾屣之末何以廁  
駕鸞之盛序春屬車之清塵**如花**宋之問云越  
女顏如花越王聞浣紗因欲不自寵獻作吳王  
娃一行霸勾踐再笑傾夫差艷色易奪人當茲  
顰亦嘉鳥驚入松網魚畏沉荷花始覺冶容妄  
方悟群心邪**阿嬌**李白云漢帝重阿嬌貯之黃  
金屋咳唾落九天隨風生珠玉寵極愛還歇妬  
深情却踈長門一步地不肯暫迴車雨落不上

天水覆最難收君情與妾意各自東西派昔日  
芙蓉花今成斷根草以色侍他人能得幾時好  
**嫁虜** 劉禹錫云今妖艷色不顧丹青人那知粉  
黛能相負却使容華翻悞身上馬辭君嫁嬌虜  
玉顏對人常不語北風鴈急浮雲秋詔里獨見  
黃河流纖腰不復漢宮寵雙蛾長向胡天愁琵琶  
絃中苦調多簫簫羌笛聲相和誰憐一曲傳  
樂府能使千秋傷綺羅

公主

**王姬**

詩云王姬下嫁爛其盈門傳曰雖則王姬

亦下嫁於諸侯執婦道以成肅雍之德

**歸妹風**

俗通云易稱帝乙歸妹以祉元吉婦人謂嫁娶之禮曰歸其妹於諸侯也

**稱號**

齊職儀云堯女

娥皇女英舜妹敷手舜女霄明燭光湯有帝已

歸妹周武王女嫁于陳故公主未有封邑之號

至周中葉天子嫁女于諸侯天子至尊不自主

婚必使諸侯同姓者主之治謂之公主秦代因

之亦曰公主史記云李斯男皆尚秦公主是也

漢制帝女爲公主帝姊妹爲長公主帝姑爲大  
長公主後漢制皇女皆封縣公主儀服同蕃王  
其尊崇者加號長公主諸王女皆封鄉亭公主  
儀服同鄉亭侯**置官**漢書云公主封邑亦置官  
屬**銅縷**續漢書云印璽綬王公玉匣銀縷夫人  
貴人長公主銅縷又後魏書云公主乘金根車  
右駢**制夫**風俗通云列侯尚公主國人尚翁主  
以妻制夫陽屈於陰爾**綠綬**晉書云帝之始姊  
妹皆爲長公主加綠綬**天孫**史記云嫫女織女



天孫也

**肅雍**

詩云曷不肅雍王姬之車謂平王

之女嫁齊侯也

**帝姬**

會要云國朝皇祖姑皇姑

爲大長公主皇姊爲長主公皇女爲公主初封  
多擇是名進封乃以郡國至特恩始有兼兩國  
者政和詔改公主爲帝姬其稱大長者依舊爲  
大長南姬仍以美名二字易其國號兩國者以  
四字建炎臣僚上言乞改正依祖宗故事從之  
**尚生** 史記云李斯長男由爲三川守儲男皆尚  
秦公主女悉嫁諸公子由告歸咸陽斯置酒于

家百官長皆前為書門庭車騎以千數**引證**漢書云周勃下廷尉吏侵辱之勃以千金於獄吏迺書牘背示之曰以公主為證公主孝文女也勃子勝尚之故獄吏教引為證曰宣平侯張敖尚惠帝姊魯元公主有女惠帝既立呂太后欲為重親以公主女配帝**厭珠**列女傳云朱仲會猶販珠人高后募三寸珠乃詣闕上之珠好過度賜五百金魯元公主私以七百合從仲求珠獻四寸者**賜金**漢書云孝武衛皇后字子夫為

平陽公主謳者武帝即位數年無子過平陽公主飲謳者進帝悅子夫起更衣子夫侍得幸焉還坐悅甚賜平陽公主金千觔

**妻兒**

漢書云單

于兵強數苦北邊上問婁敬曰陛下誠能以嫡公主妻單于厚奉遺之彼知漢女送厚蠻夷必慕以爲閼氏生子必爲太子豈曾聞外孫敢與大父抗禮哉又曰烏孫以馬千疋聘漢女元封中遣江都王建女細君爲公主以妻焉贈送甚厚烏孫見莫以爲右夫人

**不諧**

後漢書云光武

姊湖陽公主新寡帝興共論朝臣微觀其意公主曰宋公威容德器群臣莫及帝曰方且圖之後宋弘被引見帝令公主坐屏風因謂弘曰嗔言貴易交富易妻人情乎弘曰臣聞貧賤之交不可忘糟糠之妻不下堂帝顧謂主曰事不諧矣附錄後漢書云董宣爲洛陽令湖陽公主蒼頭白日殺人吏不能得主出以奴驂乘宣候得之駐車叩馬大言數主之失叱奴下車格殺之主訴帝帝怒召宣欲笞殺宣叩頭曰陛下聖德

中興縱奴殺良民將何以治天下臣不須筭請  
得自殺即以頭擊檻流血被面帝令小黄門持  
之使宣叩頭謝主宣不從帝強使項之宣兩手  
據地終不肯伏帝大笑稱強項令作歌漢書云  
烏孫以馬千疋聘漢女元封中遣江都王建女  
細君爲公主以妻烏賜乘輿服御物爲備官屬  
侍御數百人贈送甚盛烏孫昆莫以爲右夫人  
公主至其國自治宮室歲時再過昆莫年老言  
語不通公主悲愁自爲作歌天子聞而憐之

漢書云館陶公主爲子求郎明帝不許而賜錢千萬謂群臣曰郎官上應列宿出宰有至非其人民受其殃是以難之沁水後漢書云密憲女立爲皇后恃官掖聲勢奪沁水公主園園後漢書云章帝封東平憲王蒼琅邪孝王京女爲縣公主其後安帝妹亦封長公主同於皇女母封爲列侯後皆傳國鄉亭之封不傳傳晉中興書云臨海公主惠帝第四女羊皇后所生初封清河公主未出適值永嘉亂賣長城民錢

溫家溫以送女女遇主甚酷主自告吳興太守  
周禮以聞於是教溫及女適譙國曹統衍中後  
漢書云陸昕之風望端雅尚獻帝女常山公主  
拜駙馬都尉公主奉始有孝稱神爵初與程氏  
琅邪長公主並爲女侍中漢書宋書云武帝女  
壽陽公主入日卧含章閣下有落梅點額宮中  
郊之作梅花粧先見魏書云何晏婦金知公主  
即晏同母妹公主賢明謂其母沛王太妃曰晏  
爲惡日甚將不保身母笑曰汝得無妬吳耶伐

而安死有一男年五六歲宣王遣人錄之晏媼  
藏其子王宮中向使者乞所活之使者其以白  
宣王宣王亦聞晏婦有光兒之言心常加之且  
爲沛王故特原不煞歌唐史云太平公主則  
天皇后所生儀鳳中士蕃請王下嫁后不欲棄  
之夷乃爲築宮如方士薰戒以拒和親事久之  
主衣紫袍玉帶折上中其粉釋歌舞帝前帝及  
后大笑曰兒何故爾主曰以賜駙馬可乎帝識  
其意擇薛紹尚之

**王**

杜陽編云同昌公主下



降乘七寶步輦四面綴五色玉香囊囊中則辟邪香瑞麟香金鳳香皆異國獻也

**批注**

唐書云

王珪子敬直尚南平公主先諸公主下嫁未見行見舅姑禮珪曰主上循法度吾當受公主謁見於是與夫人坐堂上主執芹鹽饋乃退又通鑑云公主下嫁者舅姑拜之婦不答德宗命礼官定公主見舅姑及昏諸父兄姨之儀舅姑坐受於中堂諸父兄姨立受於東序如家人禮

**按**

唐書云安樂公主產男滿月中宗幸后幸其

第就第放赦

**置府**

杜氏通典云唐建隆元年六

月勅公主置府近有勅總停其太平公主有崇  
保社稷功其正國太平公主府即宜依舊

**置**

**府**

唐書云魏元忠輔政表楚客以舊視之曰女

有內則男有外傳其相監哉幕府者大夫職今  
公主並開府置吏以女處男職所謂長陰抑陽  
也而望陰陽不愆風雨時若得乎

**制**

**魏**唐書云

帝嘗命宋璟與蘇頲制皇太子名與公主號遂  
差次所封且詔別擇一美稱佳邑封上璟奏言

之云昔袁盎引却慎夫人席文帝納之夫人亦不敢爲嫌以其得長計也臣不敢別封帝歎重其賢

**起**

杜陽編云李吉甫德宗時義陽義章

二公主薨詔起祠堂于墓百二十楹費數萬計

會永昌公主薨有司又請帝命減義陽之半吉

甫曰德宗一切之恩不可爲法

**帝**

楚辭云帝

子降方北渚曰眇眇兮愁予汪帝子堯子也

**降**

嬪宋江教云伏承詔旨當以臨海公主降嬪榮

出望表恩加典外

**篇**

徐孝伯云鳳幄憐簫曲

鸞閨念掌珍  
苑遙築館廟  
策重和親星  
轉天河夕花  
移海樹春聖  
情悵送遠智  
蹕望行塵仙  
**女**李入云紫  
紉來雷動青  
門訪水嬉上  
台鱣字慶仙  
女鳳其期合  
安簪紳滿承  
恩雨露滋北  
宸還捧日東  
館幸逢時鳳桂  
李適云鳳樓  
衍睿幸龍舸  
暢宸襟歌舞  
平陽第園亭  
沁水林山花  
添聖酒澗竹  
繞薰琴願奉  
瑤池駕千春  
侍德音

國婚

**尚主**

漢書云天子以列侯尚公主諸侯以國人

承翁主

**駙馬**

齊職儀云魏晉之後尚公主皆拜

駙馬都尉初駙馬都尉漢武置也掌御馬又說

文云駙馬字從馬付聲一曰駙近也疾也應劭

曰自上安下曰都尉謂總領

**尚承**

崔浩衍義云

尚承皆卑下之名也公主別立弟舍太子之女則令列侯就第奉事之故尚公主諸王女則當國人來承事之皆不得謁見舅姑通問而已天子尊令諸公代主婚故曰公主諸王卑則自主之故曰翁主後漢皇女為縣公主諸王女為鄉

亭公主晉已後王女爲縣主

**嬪**

漢書云有緡在

下曰虞舜帝曰俞予聞如何岳曰罄子父頑

器象傲克謂以孝蒸蒸又不格姦帝曰我其試

哉女于時觀厥刑于二女釐降二女于鳩內嬪

于虞帝曰欽哉

**嬪**

春秋云魯莊公元年夏單

伯逆王姬秋築王姬之館于外冬王姬歸于齊

**嬪**

漢書云張敖父耳嗣王尚高祖長女魯元

公主爲王后七年高祖從平城遇趙趙王旦慕

自上食體甚卑有子壻禮

**嬪**

漢書云曾壽尚

武帝妹陽信常公主封平陽侯

**飛鳳**

列仙傳云

簫史善吹簫能招白鶴教秦穆公如弄玉鳳鳴

居數十年吹簫作鳳聲鳳來止其屋為作鳳

臺夫婦止其上一日皆隨鳳飛去

**黃魚**

後漢書

云梁松字伯孫帝壻貴重朝廷公卿以下莫不

敬憚之

**國**

荀氏家傳云荀羨字令則年十五

擬國婚之選羨不欲連姻帝室乃遠適長沙監

司追尋不獲已遂尚潯陽公主

**同家**

後漢書云

竇融長子穉尚內黃公主又子固尚溫陽公主

竇氏一公兩侯二公主

**同**

後漢書云楊喬為

尚書容儀偉麗敷上書言政事恒帝愛其才貌

詔妻以公主喬因諫不聽遂閉口不食七日而

死

**同**

後魏書云馬謖字子正與高祖同歲幼

侍書學特蒙親待尚高祖妹樂安公主升駙馬

都尉高祖寵誕同輿而載同案而食同席而坐

卧

**同**

古今姓氏錄云後魏穆觀子亮五子紹

世子王國王國子平城五世尚主

**同**

後魏書

云劉景尚武邑公主夢更尚建興公主又夢更



尚平陽長公主及景終與三公主同塋**三**姓  
氏錄云後魏蘆道弟處元聿並尚魏室公主一  
門三主士族榮之**四**姓錄云唐薛薤子紹  
薤堂姪倣倣子秀並尚公主一門四主**賜馬**後  
魏書云宿石元明帝時拜中壘將軍嘗從獵帝  
親欲射虎石扣馬諫引帝上高原士後虎騰躍  
殺人詔石為忠臣切諫免虎之害賜馬一疋尚  
上公公主拜駙馬都尉**牙**唐紀云武德軍節  
度使王元逵自秉節鉞職貢結轡於道文宗詔

尚壽安公主元逵至氏妹詣闕迎之進食于

牙盤公主之行其從如雲朝野以為榮

**宋周唐**

史云文宗開成二年杜悰為工部尚書為岐陽公主服日內久未謝恩戶部侍郎李珣奏駙馬為公主行服三年所以士族不願為國戚帝大駭即日詔令行服杖周永為制定

**傳粉**魚蔡魏

畧云何晏字平叔美姿儀面絕白魏帝疑其傅粉後至夏月喚來而與熱湯餅大汗出遂以朱衣白拭色轉皎然帝始信之

**宋趙**李燾長編云

宋天聖四年仁宗曰駙馬都尉柴宗慶求爲使  
相何如王曾曰先帝時石保言皆歷行陳有功  
晚年方除授使相之任豈容私情  
**名才**曹植云  
配爾名才華宗貴族爵以列侯銀艾優渥  
連光  
謝萬云弱冠振纓結婚帝室綢繆姻婭連光雲  
日

外戚

**姻婭**詩云瑣瑣姻婭則無牖仕節南山  
**貴戚**孟  
朝云有貴戚之鄉  
**世家**詩傳云揚之水刺平王

也不撫其民而遠屯成於毋家元龜詩傳云

高戶吉甫美宣王也能建國親諸侯褒賞申伯

焉申伯王之元舅文武是憲本公史記云趙奢

說平原君曰以君之貴奉公如法則國強國強

則趙國君為貴威豈輕於天下耶非劉漢書云

漢興外戚與定天下侯者二人故誓曰非劉氏

不王若有無功非所置而侯者天下共誅之是

以高后欲王諸呂王陵廷爭之左相漢書云上

將軍呂祿相國呂產同謀作亂太尉將北軍不

得入紀通迺令持節矯內勅北軍勅入軍門行  
令軍中曰爲呂氏右袒爲劉氏袒左軍皆左袒  
遂入北軍逐產殺之

**兩**

漢書云竇后兄長君

弟少君濮將軍等曰吾屬不死命乃且縣此兩  
人乃選長者之有節行者與居長君少君由此  
爲退避君子不敢以富貴驕人

**不**

漢書云張

蒼免相文帝以皇后弟竇廣國有賢行欲相之  
曰恐天下以吾私廣國乃以嘉爲丞相

**漢**

漢

書云景帝三年上察諸竇無及嬰賢乃拜嬰爲

大將軍

**防謹**

漢書云顯宗將封爵諸舅馬太后

不聽詔曰先帝防謹舅氏不令在樞機之位諸子之封裁令卑楚國常謂我子不當與先帝子等今柰何欲以馬氏比陰氏乎明德馬皇后自撰顯宗起居注削去兄防參醫療事章帝請曰黃門舅旦夕供養具一年旣無喪異又不爵其勤勞無乃過乎太后曰吾不欲令後世聞先帝數親後宮之家故不著和熹鄧后和帝后也帝每欲官爵鄧氏后輒哀請譙遜故兄構終帝世

不過虎背郎

**滅族**

漢書云霍光受遺詔輔詔帝

恃恩崩迎立宣帝是時光子禹及兄孫雲皆中

郎將雲弟山奉車都尉侍中領胡越兵光兩女

婚爲東西宮衛尉昆弟諸婿外孫皆奉朝請後

因藥殺許后霍氏連坐誅滅者數千家

**重侯**

漢

書云自宣元成哀外戚興者許史王三丁傳之

家重侯累將窮富極貴

**主侯**

漢書云兄后王氏

成帝母也王莽之始家凡十侯五大司馬外戚

莫盛焉成帝立尊爲太后以王鳳爲太司馬大

將軍領尚書事王氏之興于鳳始河平二年王  
潭王商王立王振王逢五人同日封其日黃霧  
四塞御史劉向封事曰今王氏一姓乘朱輪華  
轂者二十三人五侯驗大者僭盛並福歷上古  
至秦漢外戚僭貴未有如王氏者也**金史**漢書  
云郭況光武郭后弟也帝數幸其家賞賜金錢  
織帛京師號況家爲金穴**齊書**漢書云竇憲恃  
宮掖聲勢請奪沁水公主園田後發覺帝切責  
曰國家棄憲如孤雛腐鼠耳**不臣**漢書云古者



天子封后父百里尊而不臣以重宗廟孝之至

也禮記漢書云宣帝地節四年封外祖母爲懷

平君良制漢書云梁商字伯夏順帝選商女爲

后拜商大將軍自以戚屬居大位無存謙虛一

時名賢辟爲掾屬從事中郎京師翕然稱爲良

輔成陽漢書云成陽侯趙臨以孝成后父封侯

臨泗漢書云臨泗侯呂公以漢王后父賜號漢

元年始封高后元年追尊曰宣王不儼東觀漢

記云光武因傷前代權臣大盛外戚與政后族

陰郭之家不過九卿親屬榮位不能及許史王氏之半

**新野**

後漢書云熹鄧太后安帝永平初

爵號太后太夫人爲新野君萬戶供湯沐邑及

薨贈以長公主赤綬

**小侯**

漢書云武帝衛皇后

姊名少兒生霍去病封景桓侯

**小侯**

晉書云永

平中爲外戚樊氏郭氏陰氏馬氏諸子弟立學

號四姓小學以非列侯故曰小侯

**七族**

晉書庾

亮云西京七族皆后黨呂竇衛關霍許王是爲

七族東京六姓亦后黨鄧馬竇閭梁何是爲六

姓

**姨封**唐書云楊貴妃天寶初進冊貴妃三妹

皆美劭帝呼爲姨封韓虢秦三國爲夫人出入  
宮掖恩寵聲焰動天下

太子妃

**相偶**

白虎通云妃者匹也妃匹者何謂也相與

偶焉古者天子後宮嫡庶皆曰妃**金璽**沈約宋

書云皇太子妃金璽龜鈕纁朱綏佩瑜玉**龍梳**

晉東宮舊事云皇太子納妃有添龍頭支髻枕

一銀花鰓鈕又云有金塗連盤鴨燈同心雀鈿

**來帶**

東宮舊事云皇太子妃給織成來帶白玉

佩四堅車羽葆前後鼓吹各一部又云太子納

妃有七絲杯文綺被長命杯文綺褥**相得**甲辰

儀云皇太子妃公主夫人迎時節使者高車使

者佳車相揖**四妃**史記云黃帝有四妃帝嘗有

四妃虞舜有二妃**金屋**漢武帝事云初武帝為

太子時長公主欲以女配帝時帝尚小長公主

指女問帝曰得阿嬌好不帝曰若得阿嬌以金

屋貯之主大喜乃以配帝是曰陳皇后阿嬌后

字也

**景殿**

漢書云元帝為太子司馬良娣死後

太子悲患發病宣帝令皇后擇後宮大家人子  
可以娛侍太子王禁女政君預焉時預擇者五  
人政君獨衣絳緣諸子太掖衣也使侍送入太  
子宮見於景殿得御幸有身立為太子妃於甲  
觀畫堂生子即成帝也畫堂太子宮中之堂

**酒**

漢書云車騎將軍許嘉女選配太子上令中

常侍親送太子家還白太子歡悅狀元帝喜謂  
左右曰酌酒賀我左右皆稱萬歲太子立為天

子即成帝也立妃爲皇后

**五可**

晉書云武帝娶

楊后生惠帝初爲太子謀婚久不決上欲娶衛  
瓘女楊后欲娶賈充女充妻郭酷妬宿著上曰  
衛公女有五可賈公女有五不可衛家女種賢  
而多子端正而長白賈家女種妬而少子醜惡  
而短黑郭氏使輸物楊后遂成納賈妃後亂晉  
**拔刀**晉書云劉曜王彌寇洛時將諸后妃去愍  
懷太子王妃拔刀向賊曰我司徒公文皇太子  
妃死則死終不爲賊婦賊乃害之

**設懸**

晉孝武

起居注云上臨軒設懸而不樂遣兼司空謝琰  
納太子妃王氏賜文帝布絹百官詣上東門上  
禮儲妃胡元範云帝子威儀絕儲妃禮慶優疊  
鼓陪仙觀疑笳翼畫輶鬱鬱申香蒲奕奕彩雲  
浮排空列錦剝騰觀溢皇州

**青殿**

裴守貞云瑜

珮升青殿穠華降紫微還如桃李發更似鳳凰  
飛金屋貞離象瑤臺起婺微彩纓紛碧座續羽  
泛榆衣雲跼移彫輦天津轉明鏡仙珠照乘歸  
寶月重輪映望園嘉晏洽主第歡娛盛絲竹揚

帝薰簪裾奉宸慶

宗室

**同姓**禮記云天子同姓謂之伯父又詩云豈無  
它人不如我同姓**大宗**詩云大宗維翰**周親**書  
云雖有周親不如仁人**薦親**論語云君子薦於  
親則民興於仁**九族**書云以親九族阜成兆民  
**親親**周禮云六宰八統馭萬民以月親親親九  
族也**葛藟**詩云葛藟刺桓公棄其九族也**肺附**  
劉向云臣宰託肺腑言國親如肺腑之附身**埋**



**親**禮記云理親存愛注理正也**公子**杜牧云春

秋諸侯之子稱公子公子稱公孫公孫之

子稱公族**宗子**詩云懷德惟寧宗子惟城**本支**

詩云文王孫子本支百世**枝葉**左傳云公族蕃

滋支葉碩茂公族公室之枝葉若去之則本根

無所庇蔭矣**鱗趾**詩傳云鱗之趾關雎之應也

關雎之化行則天下無犯非禮雖衰世之公子

謂紂世皆信厚如鱗趾之時也鱗之趾振振公

子麟之定振振公姓麟之角振振公族**麟趾**周

禮云八辟一曰議親**不市**周禮云王之同族有

罪不即市注刑于隱所也**磔甸**周禮云公族有

死罪則磔于甸人注不於市朝也甸人掌野官

也懸縊殺之曰磔又云公族無官刑不剪其類

也**宗盟**左傳云滕侯薛侯來朝爭長公使羽父

請于薛侯曰周之宗盟異姓爲後君若辱敗寡

人則願以滕君爲請薛侯許之乃長滕侯**君宗**

左傳云晉吾宗也**校書**拾遺記云劉向校書天

祿閣夜有老人著黃衣植青藜杖授向五行洪

範云我太乙之精天帝聞卯金之子自傳學者  
下而觀焉出懷中玉牒有天文地圖之書又漢  
書云劉向曰吾身爲宗室遺老歷事王主遂上  
封事極諫**廣封**漢書云諸侯王自以骨肉至親  
先帝所以廣封連城爲磐石之宗也**百孫**唐書  
云玄宗諸子同爲大宅分院居爲十五宅又置  
百孫院於宮側宮人每院四百餘百孫院亦三  
四十人禁中置維城庫以給諸王月俸**宗老**梁  
書云蕭琛爲侍中武帝封爲宗老**屬籍**唐書云

舒王元名高宗欲授元名大州辭曰臣忝屬籍  
雲以州郡爲仕進資唐書云褚遂良曰**保傳**  
今四方仰德誰弗率者唯太子諸王宜有定分  
帝曰有是哉朕年五十歲以衰怠雖長子守器  
而弟支子尚五十人心常念焉自古宗姓無良  
則傾敗相仍公等爲我求賢者道宗**保傳之**  
書云國初宗室唯道宗孝恭爲最賢根源**吳兢**  
云相王與陛下同氣親莫加焉今賊臣日夜陰  
謀必欲寘之極法相王仁孝遭荼苦哀毀以陞

下爲命而自託於手足若信邪佞爲之於法傷  
陛下之恩失天下望芟刈股肱獨任宵臆可爲  
請寒心且根朽者葉枯源涸者流竭弟子國之  
根源可使枯竭哉**宗臣**唐書云李冕少喜學內  
沉雅外清整其在朝廷鯁亮廉介爲宗臣表**八**  
**碑**唐書云李程爲學士日過八碑乃至院時號  
八碑學士**錦囊**唐書云李賀每旦日騎弱馬從  
小奚奴背古錦囊過所得付囊中**召對**唐書云  
賀知章言李白於玄宗召見金鑾殿論堂世事

奏誦一篇帝賜食親為調羹有詔供奉翰林白  
猶與飲徒醉于市召入為樂章而白已醉左右  
以水頰面稍解援筆成文天族慕容超云天族  
多奇王林皆寶龍種杜甫云高帝子孫盡高準  
龍種自與常人殊